


Di Hinderletschte - Programm 2022



Ig chume usem Aaretal 1
 ig chumen us em Ämmital 2
 dise chunnt vom Limmattal 3
 mir läben all im Digital



Het dis Händi mal ke Pfuus
 chunnsch im Alltag nümme druus
 ohni WhatsÄpp Instagram u Twitter
 isch doch ds Läbe mega schitter



I däm Tal chas ou Viire haa
 drum leg ich em Compi e Masken aa

Hesch furd's Ladegrät kei Stecker
 lütet am Morgen ou kei Wecker

Si decke Kiew mit Bomben ii
 hemmigslos, das darf nid sii
 im Kreml hockt dä chränk Despot
 wo der Wält mit em Atomchrieg droht.



Mir poschten üs e Caravan
 als Mittu gäge Reisewahn
 dä stelle mer deheim i Garte
 hocke gmüetlech drii u warte




S'isch Grauehaft, es isch e Schock
 gäbet däm doch chli Nowitschok

D Zuekunft macht üs kener Sorge
 mir feschte düre bis am Morge

Mir decke t Wält mit Ghüder ii
 offesichtlech muess das sii
 glii zeigt üs d Oekologie
 das mir am Änd ou Ghüder si.



Mir hei e Schnitzubank Kurs gnoo
 was mir dert wichtigs hei vernoo
 em Schluss sött geng e Puängte choo
 für dä Värs fählt si immer noo



Mir gschpüres immer meh, dass d Ärde
 üs Mönschen ändlech los wet wärde

Isch das nid öppis wunderbars
 e Hightech Wagen uf em Mars
 technischi Leischtig isch extrem
 löst alli mönschleche Problem




Dr Housi isch a Covid gschorbe
 het umne Platz im Himu gworbe.
 Dr Petrus meint mit stränger Mine
 oni Booster chunnsch nid ine



D Frag, öb uf em Mars chönntsch läbe
 finde Flüchtling voll dernäbe

Die wo da für Freiheit wärbe
 trychle ender chlei für ds Stärbe

Es git e schlimmi Pandemie
 Maske z trage chasch la sii
 s'git ou kei Impfig, s'isch e Hohn
 die Süüch di heisst Korruption



Omikron seit zu Omega
 «Bi dr Grösch, lue, was i cha»
 Omega meint: «he, süferli,
 wart ab bis i de dranne bi»



Alli dänked nur a siich
 Nur iich dänk a miich

Nach Omega isch alls verbii,
 tschüss, für hüür wär's das jetz gsii

Outo Velo Trottnet
 und alls wo süsch no Redli het
 wird jetz elektrifiziert
 bis de ds Stromnetz kollabiert



We di Alte nümme chöi E-Bike fahre
 stigid wider t Räntnerzahle



tschou zäme das wärs für hüür